

EBRILL 2023



**GIG
CYMRU
NHS
WALES**

Iechyd a Gofal
Digidol Cymru
Digital Health
and Care Wales




**Cytundeb Rhannu Gwybodaeth
Bersonol Cymru
Wales Accord on the
Sharing of Personal Information**

DIWEDDARIAD AR GYTUNDEB RHANNU GWYBODAETH BERSONOL CYMRU (WASPI)

Croeso i gylchlythyr mis Ebrill.

Bu sawl datblygiad mewn perthynas â fframwaith WASPI dros y misoedd diwethaf, ac mae'r cyfnod presennol hwn yn gam arbennig o bwysig gan fod ein Cod Ymddygiad ICO WASPI arfaethedig ar gael ar gyfer ymgynghoriad â rhanddeiliaid a'r cyhoedd.



**AELOD COD YMDDYGIAD
CODE OF CONDUCT MEMBER**

Cytundeb Rhannu Gwybodaeth
Bersonol Cymru
Wales Accord on the
Sharing of Personal Information

LANSIO YMGYNGHORIAD AR GOD YMDDYGIAD CYTUNDEB RHANNU GWYBODAETH BERSONOL CYMRU

Dros y tair blynedd diwethaf, mae gwaith wedi mynd rhagddo ar drawsnewid fframwaith Cytundeb Rhannu Gwybodaeth Bersonol Cymru (WASPI) yn God Ymddygiad posibl ar gyfer Swyddfa'r Comisiynydd Gwybodaeth (ICO).

Mae'r cod arfaethedig yn adeiladu ar y fframwaith presennol gyda'r bwriad o gynnig sicrwydd ychwanegol i aelodau a'u rhanddeiliaid, gan gynnwys y cyhoedd, ynghylch arferion sefydliadol o rannu data.

Rydym eisiau clywed eich barn ar y cynnig i fframwaith Cytundeb Rhannu Gwybodaeth Bersonol Cymru (WASPI) gyflwyno cais i ddod yn God Ymddygiad Swyddfa'r Comisiynydd Gwybodaeth (ICO) cymeradwy o dan ddarpariaethau erthygl 40 o Reoliad Diogelu Data Cyffredinol y DU.

[parhau ar y dudalen nesaf]

[parhad o'r dudalen flaenorol]

Mae'r ymgynghoriad hwn yn nodi sut y byddai'r fframwaith WASPI sy'n berthnasol i ddod yn God Ymddygiad ICO cymeradwy yn gwella'r rheolaethau presennol gyda mwy o gymhwyso a chysondeb gweithgareddau rhannu data yn ogystal â darparu sicrwydd atebolrwydd llywodraethu da.

Mae tîm WASPI wedi cynllunio ymgynghoriad llawn, gan dynnu sylw at y fforymau, y rhwydweithiau a'r cynulleidfaoedd targed allweddol a fydd yn cael eu cynnwys i gael eu barn ar y cod arfaethedig yn ystod y cyfnod ymgynghori a fydd yn rhedeg hyd 28 Ebrill 2023.

Rhowch eich ymatebion. Bydd y rhain yn llunio datblygiad y Cod Ymddygiad WASPI arfaethedig ac yn cefnogi unrhyw gais i Swyddfa'r Comisiynydd Gwybodaeth.

www.llyw.cymru/ymgyngori-ar-god-ymddygiad-cytundeb-rhannu-gwybodaeth-bersonol-cymru-waspi



DIGWYDDIAD LANSIO COD YMDDYGIAD WASPI

Ar 2 Mawrth 2023 cynhaliwyd digwyddiad ymgynghori ar God Ymddygiad Swyddfa'r Comisiynydd Gwybodaeth WASPI yn Stadiwm Dinas Caerdydd.

Diolch i'n siaradwyr gwadd o Swyddfa'r Comisiynydd Gwybodaeth, Blake Morgan a Llywodraeth Cymru, ac i bawb a roddodd o'u hamser i fod yn bresennol.


Cafwyd adborth gwych gan y rhai a oedd yn bresennol a fydd yn rhan o'r broses ymgynghori ac yn helpu i lunio penderfyniadau terfynol ar ein cynigion.



GWEFAN WASPI

Efallai eich bod wedi sylwi bod gwefan WASPI wedi cael ei hadnewyddu dros y misoedd diwethaf.

Mae cynnwys y wefan yn aros yr un fath ac mae rhai diweddariadau'n cael eu gwneud i'r gofrestr o brotocolau rhannu gwybodaeth. Bwriedir darparu cofrestr ychwanegol o "Brotocolau Rhannu Gwybodaeth sy'n cael eu datblygu" yn ystod y misoedd nesaf. www.waspi.llyw.cymru/



ADBORTH PROTOCOLAU RHANNU GWYBODAETH DROS DRO COVID-19 WASPI

Diolch i bawb a roddodd o'u hamser i ymateb i'n harolwg ynghylch templed Cytundeb Rhannu Gwybodaeth Dros Dro COVID-19 WASPI a gynhyrchwyd yn rhagweithiol gan dîm WASPI i gefnogi rhannu gwybodaeth rhanddeiliaid yn ystod y pandemig.

Mae'r ymatebion i'r arolwg yn cefnogi buddion y templed a ddarparwyd i randdeiliaid, gan ddarparu dull safonol i sefydliadau a oedd yn creu cysondeb, gan ganiatáu i randdeiliaid ddogfennu eu gweithgareddau rhannu data yn gyflym, ac felly roeddent yn gallu canolbwyntio ar faterion brys eraill yn ystod y pandemig.

Chwaraeodd fframwaith WASPI rôl ganolog wrth gefnogi rhannu data wedi'u dogfennu drwy gydol pandemig covid-19, a Chymru yw'r unig wlad yn y DU sydd â dogfennaeth gyson i gefnogi trefniadau rhannu data sy'n cefnogi dinasyddion. Mae adroddiad diweddar gan Sefydliad y Llywodraeth, "Data sharing during coronavirus: lessons for government" yn cyfeirio at WASPI fel maes o arfer da.

Mae adroddiad Sefydliad y Llywodraeth ar gael ar-lein: www.instituteforgovernment.org.uk/publication/government-data-sharing-pandemic

Mae crynodeb o'r adborth a dderbyniwyd o'r arolwg i'w weld ar gael ar-lein: www.waspi.llyw.cymru/files/wasoi-covid-19-feedback-summary-welsh/


CYFARFODYDD SICRHAU ANSAWDD RHANBARTHOL

Mae amserlen o gyfarfodydd rhanbarthol ar gyfer 2023 ar gael nawr: www.waspi.llyw.cymru/arfer-da/sicrhau-ansawdd/

Os oes unrhyw gwestiynau am ddatblygiadau Protocol Rhannu Gwybodaeth sydd efallai wedi'u cynllunio i'w cyflwyno i unrhyw gyfarfodydd rhanbarthol yn y misoedd nesaf, mae croeso i chi gysylltu â ni neu gydag unrhyw un o'r cadeiryddion rhanbarthol.

FIDEOS WASPI

Rydym yn dal i groesawu barn ar unrhyw gynnwys fideo hyfforddi a allai fod yn ddefnyddiol i gefnogi ymwybyddiaeth o WASPI a'r prosesau o greu a sicrhau Protocolau Rhannu Gwybodaeth. Cysylltwch â ni gydag unrhyw farn.



Cytundeb Rhannu Gwybodaeth
Bersonol Cymru
Wales Accord on the
Sharing of Personal Information

CYSYLLTU Â NI

Am ragor o wybodaeth a chyngor ewch i'n gwefan neu cysylltwch â ni drwy e-bost.

Gwefan: www.waspi.org

E-bost: waspiservice@wales.nhs.uk